

送臣傳



送

通

傳



逆臣傳卷之三

劉進忠列傳

劉進忠遼東遼陽人初爲明總兵馬得功部校

本

朝順治二年隨馬得功在蕪湖迎降旋從勦福建海

賊游擢靖南王下右路鎮標副將康熙三年遷隨征

福建中路總兵官六年改廣東水師左路尋調廣西

左江八年復調廣東潮州十二年四月進忠潛通耿

精忠擁兵叛先是進忠聞滇閩有變遂萌異志遣其

心腹楊希震赴福州納款獻潮州地並請假將軍印

以號召時續順公沈瑞駐潮知其謀遊擊李成功張善繼亦密約共圖進忠至是沈瑞起兵巷戰兵敗成功等被殺精忠使漳浦鎮總兵官劉炎統兵至勢益張進忠授寧粵將軍僞職並執瑞及副督師鄧光明官兵家屬驅入福建于漳浦七月逆黨陳奠據程鄉八月劉斌據普寧先後爲都統尙之孝等所敗復其城方之孝兵抵潮進忠窺其移營輒鼓衆出犯之孝敗之於新亨分兵克東津筆架山洗馬橋諸隘巡撫劉秉權總兵王國棟亦攻毀潮州城南鳳凰州木城

斬僞都督金漢臣合圖潮州十四年海逆鄭錦寇漳
泉拔之與精忠有隙閩粵路梗進忠因再用希震策
納款于錦錦遣僞總兵劉國軒引賊肆掠僞授進忠
伯爵之孝與戰不利退守惠州十五年精忠降進忠
仍擁衆觀望十六年三月福建既定康親王傑書奏
以將軍瑪哈達都統賚塔統兵同精忠進取潮州進
忠窮迫歸順

上命宥進忠罪仍爲潮州鎮總兵官隨大兵進勦尋授征逆
將軍六月疏言臣以遼東武夫歷擢潮鎮曷敢一旦

背叛自取滅門實由續順公下都統鄧光明等見臣
訓練頓生誹謗仍約遊擊李成功張善繼率兩路兵
馬抄臣前後亂矢如雨臣倉卒應變亦站隊堵禦死
亡之際不暇擇人走險求救苟延歲月及聞康親王
奉

命到閩

私幸得瞻天日故差員遠輸誠款雖屢經鄭逆調遣
臣皆按兵不動抑且漳泉兵食全資惠潮臣隨嚴禁
接運所以漳泉之衆不戰自餒今幸邀

聖明赦

愆復職又加臣爲征逆將軍仍帶伯銜可謂榮出非

分自今以往臣之性命身家均爲

皇上再造若不據寔陳情是臣旣誤於前復又隱諱于後殆必歸誠之心未堅報効之志未切臣雖萬死不足贖矣疏入報聞六月進忠以康親王傑書招撫文檄潛通吳三桂名兵自効爲尙之信偵獲

上聞

諭曰劉進忠中懷詭譎非寔意歸誠可檄康親王密爲之脩尋又

命調其標兵勦賊移進忠福州十七年命來京率其標員兵

赴廣西効用十九年精忠爲部人徐鴻弼發罪狀事
涉進忠有與進忠密談結爲心腹語下廷議逮問得
寔

詔與精忠同磔於市

尙之信列傳

尙之信漢軍鑲藍旗人平南王可喜長子幼隨父鎮所年十九可喜遣入侍

世祖章皇帝念可喜功多授之信秩與公爵同康熙十年

聖祖仁皇帝允可喜請令之信赴廣東佐理軍事之信別營新宅以居十二年可喜欲歸老遼東請以之信襲封留鎮部議藩臣無乞休子襲之例令撤藩偕歸會逆藩吳三桂反可喜奉

詔留鎮遣次子之孝討叛賊劉進忠於潮州奏請以之孝襲

封

詔可喜如舊理事俟賊平以之孝襲旋晉可喜平南親王之
孝平南大將軍

命之信以討寇將軍銜協謀征剿未幾高州總兵祖澤清附

三桂據城叛引廣西叛賊馬雄郭義及三桂所遣僞
將軍董重民李廷棟王洪勳等遂陷廣東郡邑海賊
鄭錦遣賊萬餘助進忠入寇之孝戰失利退駐惠州
十五年春可喜卧疾之信代理事三桂誘藩屬從逆
水師副將趙天元總兵孫楷宗相繼叛之信遂降三

旨敘功

桂遣心腹環守可喜藩府戒毋得聞白諸事殺金光以殉金光者浙江義烏人隨可喜幕下贊畫謀最久可喜奏其以計擒佛山鎮奸民江鵬翥得

授鴻臚寺卿銜常以之信凌虐藩屬不可襲封告可喜者而之信遂授偽職招討大將軍輔德公與海賊議和奪之孝兵柄使閒居廣州三桂屢脅之信出庾嶺抗大軍之信賂以庫金十萬兩乃已可喜卒三桂以輔德親王偽印與之信之信旋遣使赴江西通欵大軍密疏願立功贖罪

諭曰尔父航海歸誠功猷茂著自吳逆叛亂以來益矢忠藎故特封之以爲親王授爾爲討寇將軍正期克奮勇略掃除逆賊不圖粵省變亂道路梗阻今覽爾密奏稱父子世受國恩斷不敢懷異念願立功贖罪來迎大師知爾父子不忘報國念篤忠貞因倉猝變亂朕心深爲憫惻已徃之罪概行赦免果能相機剿賊立功自効仍如恩優敘十六年之信請

敕大軍速進粵是時三桂以董重民爲僞總督踞肇慶初蛋戶謝厥扶當趙天元未叛時先以繪船數百附馬雄

誘天元從賊至是三桂令厥扶統轄水師加僞職定
海將軍與重民合拒大軍之信密約重民所部兵令
以缺饌謀乘間擒重民邀擊厥扶大敗之厥扶遁入
海之信遣副都統尙之琰率兵迎大軍駐韶州疏陳
闔屬歸正并言藩下總兵僞授翼勇將軍王國棟藩
下長史僞授總兵李天植等贊襄有功並得

旨嘉獎

下部議敘之信襲封平南親王王國棟等各復舊職

俟諸路賊平再議

諭之信

曰今據時勢勦賊吳三桂甚爲緊要亟宜率兵並進

前此賊兵屯聚長沙掘濠立椿僅可支持旦夕誠使諸路
進兵彼安能隨處脩設椿濠以相抗其滅亡可翹足而待
之信遣使入貢

諭曰昔爾先人在時貢獻方物靡不竭誠二年以來粵東事
變信使弗通每念及爾先人素日忠貞不二爲國忘家罔
不憫傷今王克承先志恢復粵東使人遠來貢獻良屬可
嘉但用兵之秋非無事時比况見此物不勝思念爾先人
王其安戢粵東恢復粵西湖南以繼爾先人未盡之志朕
心深爲期望此等細務勞人費事其暫止是年秋三桂從

孫世琮踞桂林之信遣總兵尙從志以兵三千隨巡撫傳宏烈進征宏烈擊敗僞將軍趙天元復梧州潯州規取平樂桂林

詔之信由韶州進取宜漳柳州永州之信疏言粵東土賊尙多潮惠人心未定臣宜留鎮省城得

旨令將軍喇哈達資塔統兵全進潮州劉進忠等知皆已歸順海寇敗遁王又以土寇爲辭不離省城倘逆賊各路來犯不惟廣西難復楚賊難滅卽廣東亦難保其速統兵赴韶州剿賊時鎮南將軍莽依圖擊敗僞將軍胡國桂

馬寶等于韶州

詔移師梧州因之信未具舟艦師行濡滯總督金光祖由潯州進征世琮不勝

諭責之信曰金光祖不守梧州輕進失利猶幸梧州無虞萬一梧州失利則近取三桂大兵後路亦阻前調將軍莽攸圖等速赴梧州王不亟發船致誤軍行不可謂非王失機也梧州乃兩廣接壤要地其卽遣精兵戍守十七年正月之信疏言臣奉

命進取宜漳柳永行至清遠以總督金光祖及高州諸處報

警遂還省城今海賊又突犯潮陽臣未能統兵遠征得

旨潮州惠州既有將軍資塔等鎮守勦海寇不爲不足今將軍莽依圖深入廣西事機所係甚重且廣西早定則湖南之寇不能自存王其親往廣西策應毋悞軍事之信復疏言高雷廉三郡初定恐爲逆賊煽惑再四熟籌不得
不留鎮省城

詔精選藩兵遄發暫停親往之信遣國棟率兵赴宜章九月
疏言前者永興危急臣恐國棟不能剿賊擬親往策